

BÍ-KA (33)

1 Iâ-hô-hoa ê oē lîm-kàu Mô·lî-sa lîng Bí-ka, chiū-sī tī Iû-tâi Ông Iok-thán, A-hap-su, Hi-se-ka ê sī, só· khoàⁿ-kìⁿ lûn-kàu Sat-má-lī-a kap Iâ-lō·sat-léng ê sū.

²Chiah ê peh-sìⁿ ah, lín lóng tiòh thiaⁿ; toē kap kî-tiong só·-ū--ê, iáh tiòh àⁿ hī-khang; Chú Iâ-hô-hoa, chiū-sī tùi I ê sèng-tiān chhut--lâi ê Chú, beh kan-chèng lín ê m̄-tiòh. ³Khoàⁿ ah, Iâ-hô-hoa tùi I ê só·-chāi chhut-lâi, I beh kàng-lîm, táh tī toē koāiⁿ ê só·-chāi. ⁴Chèng soaⁿ tī I ê ē-bīn siau-iūⁿ; chèng soaⁿ-kok lī-khui, chhin-chhiūⁿ lăh oá-kūn hé, chhin-chhiūⁿ chúi lâu-lôh soaⁿ-phiāⁿ. ⁵Che lóng-sī in-ūi Ngá-kok ê choē-koà, Í-sek-liát-ke ê choē-ok; Ngá-kok ê choē-koà sī sím-mih? kiám-m̄-sī Sat-má-lī-a mah? Iû-tâi ê soaⁿ-thâu-toāⁿ sī sím-mih? kiám-m̄-sī Iâ-lō·sat-léng mah? ⁶Só·-í Goá beh hō· Sat-má-lī-a piàn-choè chhân--nih ê thô·-tui, koh choè chèng phû-tô ê só·-chāi; iáh beh chiong i ê chiòh-thâu piàⁿ-lôh soaⁿ-kok-tiong, lâi lō·chhut i ê toē-ki. ⁷I it-chhè tiau-khek ê ngó·-siōng beh siū phah-chhiūi, i só· tit-tiòh lîng sàng ê chāi-bút, beh hō· hé sio--khì, só·-ū ê pút, Goá beh hō· i hong-hoè; in-ūi i ēng chhiong-ki ê kang-chiⁿ lâi chek-chū, āu-lâi beh kui tī chhiong-ki choè kang-chiⁿ.

⁸In-ūi án-ni, Goá beh toā-siaⁿ thi-khau, chhiah-sin lō·-thé lâi kiāⁿ; koh beh āu-kiò chhin-chhiūⁿ soaⁿ-káu, ai-siong chhin-chhiūⁿ

tô-chiáu. ⁹In-ūi i ê siong boē i-tit; chit ê sū í-keng kūn Iû-tâi ê só·-chāi, kàu Goá ê peh-sìⁿ ê siāⁿ-m̄ng, chiū-sī Iâ-lō·sat-léng. ¹⁰Bôh-tit pò-kò tī Ka-ték, lóng bôh-tit thi-khau; goá tī Pek-a-hut-lăh kō tī tân-ai ê tiong-kan. ¹¹Sa-húi khiā-khí ê peh-sìⁿ ah, lín tiòh thng-theh kiàn-siâu kè-khì; Sat-lâm khiā-khí ê peh-sìⁿ bô chhut--lâi; Pek-í-siat lîng thi-khau, hō· lín bô só·-chāi thang hioh-kha. ¹²Má-lút khiā-khí ê peh-sìⁿ khó·-sim him-bō· hok-khì, in-ūi chai-ē tùi Iâ-hô-hoa hia kàu Iâ-lō·sat-léng ê siāⁿ-m̄ng. ¹³Lăh-kiat khiā-khí ê peh-sìⁿ ah, tiòh ēng chhia thò gâu-cháu ê bé; i choè Sek-an ê peh-sìⁿ hoān-choē ê khí-thâu; Í-sek-liát ê choē-koà, tī lí hia hoat-hiān. ¹⁴Só·-í lí tiòh ēng lé-mih kâ Mô·lî-siat-ka-ték sòng-hêng; A-kek-sek chiah ê ke, beh ēng khui-kè khoán-thāi Í-sek-liát chiah ê ông. ¹⁵Má-lī-sa khiā-khí ê peh-sìⁿ ah, goá beh hō· sêng-siū lí ê giáp--ê, kàu lí hia; Í-sek-liát ê ēng-kng beh kàu A-tō·lân. ¹⁶Lí tiòh ūi lí só· hoaⁿ-hí ê kiāⁿ, thì lí ê thâu-m̄ng, hō· i kng khō-khō, bô chhun poàⁿ-ki, chhin-chhiūⁿ chhau-thâu ê eng-chiáu; in-ūi in lóng siū-liáh lī-khui lí.

2 Tī bîn-chhng tô·bô· choē-koà, chō-chok kan-ok--ê, kàu thiⁿ-kng, in-ūi chhiú ū lăt, chiū khì kiāⁿ i, chit-hō lîng ū chai-ē ah. ²In tham lîng ê chhân-hng, chiū chhiúⁿ i; tham lîng ê chhù-thêh, chiū chiām i, in ap-chè lîng kap i ê ke, chiū-sī lîng kap i ê sán-giáp. ³Só·-

í Iâ-hô-hoa án-ni kóng, Khoàⁿ ah, Goá tô·bô· kàng chai-ē tī chit ê chók, lín boē-oē hō· i thoat-lī lín ê âm-kún; lín iā boē-oē thau-khak kiáh koàiⁿ-koàiⁿ lâi kiâⁿ, in-ūi chit ê sî-sè chin-pháiⁿ. ⁴Kàu hit-jít lāng beh ēng siók-gú phoe-phêng lín, koh beh ēng ai-chhám ê ai-ko lâi ai-siong kóng, Goán lóng soe-pāi; i piàn-oāⁿ goá ê peh-sìⁿ ê hūn-giáh; i î-soá i lī-khui goá kàu cháiⁿ-iūⁿ ah! i chiong goán ê chhân-toē pun hō· poē-gék ê lāng. ⁵Só·í tī Iâ-hô-hoa ê toā-hoē-tiong, lí tek-khak bô lāng thang liam-khau khan chin-soàⁿ. ⁶In soan-thoân kóng, Lín m̄-thang soan-thoân; in bô beh soan-thoân chiaⁿ ê sū; lēng-jiók bô beh soah. ⁷Lín tit-tiòh chhheng-choē Ngá-kok ê ke ah, Iâ-hô-hoa ê Sîn kiám-sī oēh-toeh mah? Chiaⁿ ê sū kiám-sī I só· choē mah? Goá ê oē kiám bô lī-ek kiâⁿ cheng-tit ê lāng mah? ⁸Chóng-sī kún-jít Goá ê phe-sìⁿ khí-lâi chhin-chhiūⁿ tui-ték; tui hiah-ê an-jân keng-kè, m̄-ài kau-chiàn ê lāng, chhiūⁿ i ê goā-saⁿ kap lâi-saⁿ. ⁹Goá ê peh-sìⁿ ê hū-jîn-lāng, lín koáⁿ in chhut in an-lók ê ke, koh chiong Goá ê ēng-kng, tui in ê soē-kiáⁿ éng-oán chhiūⁿ-khì. ¹⁰Khí-lâi ah, khí ah, chia m̄-sī lín an-hioh ê só·chāi; in-ūi toē í-keng hō· ù-oē só· pāi-hoāi, i ê pāi-hoāi sī siong-tiōng. ¹¹Nā ū lāng kóng hong-tōng kap pēh-chhát-oē, kóng, Goá beh tui lín soan-thoân pōh-chiúⁿ kap kàu-chiú, chiū chit-lāng beh choē chiaⁿ ê peh-sìⁿ ê sian-ti.

¹²Ngá-kok ah, Goá tek-khak beh chū-chíp lín; Goá tek-khak beh chio-chíp Í-sek-liát chhun ê lāng; Goá beh an-ti in tī chit só·chāi, chhin-chhiūⁿ Pho-su-láh ê iūⁿ, koh chhin-chhiūⁿ chháu-tiūⁿ-tiōng ê iūⁿ-kūn, in-ūi lāng-giáh choē, beh toā-toā soan-hoa. ¹⁸Kong-phoà--ê tī in ê thâu-chēng chiūⁿ-khì; in kong-

phoà tit-tit keng-kè kàu siâⁿ-mng; koh tui-hia chhut-lâi; in ê ông choē-thâu kiâⁿ, Iâ-hô-hoa chhoā in khì.

3 Goá kóng, Ngá-kok chiaⁿ ê siú-léng, Í-sek-liát-ke chiaⁿ ê koaⁿ-tiúⁿ ah, lín tiòh thiaⁿ; lín kiám-m̄-tiòh chai-iaⁿ kong-pêng mah? ²Lín oàn-hūn hó ài pháiⁿ; pak lāng ê phê, tui in ê kut thek-bah. ³Iáh chiaⁿ Goá ê peh-sìⁿ ê bah, pak in ê phê, at-chhiⁿ in ê kut-thâu, chhiat kui-tè, chhin-chhiūⁿ beh lóh e, koh chhin-chhiūⁿ tiáⁿ-lâi ê bah. ⁴Hit-sī in beh kiū-kiò Iâ-hô-hoa, nā-sī I bô beh in in; hit-sī I beh chiàu in só· kiâⁿ ê pháiⁿ-tāi, tui in ng-bīn. ⁵Iâ-hô-hoa lūn-kàu hiah-ê hō· Goá ê peh-sìⁿ kiâⁿ chhò-lō· ê sian-ti án-ni kóng, in ê chhui-khí nā ū mih thang pō·, chiū kiò kóng, Pêng-an ah; lāng nā bô ēng mih that in ê chhui, in chiū pī-pān kau-chiàn kong-kek i. ⁶Só·í lín beh tú-tiòh àm-mi, tì-kàu boē khoàⁿ-kìⁿ īⁿ-siōng; koh beh tú-tiòh o-àm, tì-kàu boē chiam-pok; hiah ê sian-ti beh tú-tiòh chhin-chhiūⁿ jít-lóh, iáh tú-tiòh jít--sī piàn o-àm. ⁷Hit-sī sian-kiàn--ê kiàn-siàu, chiam-pok--ê lâu-khui; lóng beh ng in ê chhui-tūn; in-ūi Siōng-tè bô thiaⁿ in. ⁸Nā-sī goá, goá tui Iâ-hô-hoa ê Sîn ū khui-lát, ū kong-pêng, ū chái-lēng moá-moá, thang tui Ngá-kok kóng-bēng i ê kè-sit, tui Í-sek-liát chí-chhut i ê choē-ok. ⁹Ngá-kok ê siú-léng, Í-sek-liát-ke ê koaⁿ-tiúⁿ, oàn-hūn kong-pêng, óng-khut cheng-tit--ê ah, lín tiòh thiaⁿ. ¹⁰In ēng huì kiàn-lip Sek-an, ēng choē-ok khí-chō Iâ-lō·sat-léng. ¹¹In ê siú-léng ūi-tiòh pò·lō· lâi sím-phoàⁿ, in ê chè-si ūi-tiòh kang-chiⁿ lâi kà-sī, in ê sian-ti ūi-tiòh gūn lâi chiam-pok; in iáu-kú oá-khò Iâ-hô-hoa, kóng, Iâ-hô-hoa kiám-bô tī lán tiōng-kan mah? chai-ē bô līm-kàu lán. ¹²Só·í in-ūi lín ê iân-kò, Sek-an beh

hō· lāng loê, chhin-chhiūⁿ chhân-hng, Iâ-lō· sat-léng beh piàn-choê thô·-tui, chit ê tiān ê soaⁿ beh chhin-chhiūⁿ chhiū-nâ koâiⁿ ê só·-chāi.

4 Kàu hiah ê jīt ê liáu-āu, Iâ-hô-hoa tiān ê soaⁿ beh kiàn-líp tī chiah ê soaⁿ ê téng-bīn, poāⁿ-kè lóng-chóng ê soaⁿ-niá; bān-kok ê peh-siⁿ lóng beh lái kui i. ²Ū choê-choê koh beh khi, kóng, Lâi ah, lán chiūⁿ Iâ-hô-hoa ê soaⁿ, kàu Ngá-kok ê Siōng-tè ê tiān; I beh ēng I ê tō-lō· kà-sī lán, lán iā beh kiāⁿ I ê lō·; in-ūi lút-hoat beh tui Sek-an chhut, Iâ-hô-hoa ê oē beh tui Iâ-lō·-sat-léng thoân-pò. ³I beh tī choê-choê kok ê peh-siⁿ-tióng kiāⁿ sīm-phoànⁿ, ūi-tiōh choê-choê hng-hng không-béng ê kok lái kái-koat; in beh chiong in ê to phah-choê loê-thâu, chiong in ê chhiūⁿ phah-choê liām-á; chit-kok bô kiáh-to kong-kek hit-kok, in iā bô koh hák-síp kau-chiàn.

⁴Lāng-lāng lóng beh chē tī i ka-kī ê phū-tô-chhiū-kha, kap ka-kī ê bū-hoa-kó chhiū-kha, bô lāng hō· i kiaⁿ; in-ūi che si bān-kun ê Iâ-hô-hoa chhin-chhiū kóng--ê. ⁵Bān peh-siⁿ ták-ê hōng i ê siōng-tè ê miā lái kiāⁿ; chóng-sī goán beh hōng goán ê Siōng-tè Iâ-hô-hoa ê miā lái kiāⁿ, tit-kàu éng-oán.

⁶Iâ-hô-hoa kóng, Kàu hit-jīt, Goá beh chū-chíp pái-kha--ê, chio-chíp siū koáⁿ-chhut--ê, kap Goá só· bat hō· i siū-khó·-ê. ⁷Goá beh hō· pái-kha--ê choê só·-chhun ê peh-siⁿ, hō· siū-koáⁿ kàu hng-hng--ê choê không ê kok; Iâ-hô-hoa beh tī Sek-an soaⁿ choê ông tī-lí in, tui taⁿ kàu éng-oán. ⁸Lūn-kàu lí choê kui kún iūⁿ ê chiú-kiⁿ-lâu, choê Sek-an siāⁿ ê soaⁿ ah, kok-koân beh kui tī lí, koh chá-sī ê kok-koân, Iâ-lō·-sat-léng siāⁿ ê kok-ūi lóng beh kui tī lí. ⁹Taⁿ lí siáⁿ-sū toā-siāⁿ thi-khau ah? thòng-khó· khiⁿ-tiōh lí, chhin-chhiūⁿ beh siⁿ-

kiáⁿ ê hū-jîn-lāng, sī in-ūi lín tióng-kan bô ông mah? lín ê bô·sū sí-bô mah? ¹⁰Sek-an ê cha-bó·-kiáⁿ ah, lí tiōh thàng-thiāⁿ kan-khó·, chhin-chhiūⁿ siⁿ-kiáⁿ ê hū-jîn-lāng, in-ūi lí beh chhut-siāⁿ khiā-khiⁿ tī chhân--nih, beh kàu Pa-pí-lūn, tī-hia tit-tiōh kiū, Iâ-hô-hoa beh tī-hia siók-hoê lí, thoat-lí lí ê tui-ték ê chhiū. ¹¹Taⁿ choê-choê kok ê peh-siⁿ chū-chíp kong-kek lí, kóng, Goān Sek-an siū bak lâ-sâm, hō· goán chhin-bák khoàⁿ-kìⁿ. ¹²Chóng-sī in m̄-chai Iâ-hô-hoa ê ì-sù, iā bô bēng-pék I ê kè-ék; I chū-chíp in, chhin-chhiūⁿ tiū-pé chū-chíp tī gō·kak-tiūⁿ. ¹³Sek-an ê cha-bó·-kiáⁿ ah, khiⁿ-lái táh gō·kak; Goá beh hō· lí ê kak chiāⁿ-choê thih, hō· lí ê toē chiāⁿ-choê tâng; lí beh phah-chhiū choê-choê kok ê peh-siⁿ, chiong in só· chhiūⁿ ê m̄h hiàn hō· Iâ-hô-hoa, chiong in ê chíⁿ-châi hiàn hō· phó· thiⁿ-ê ê Chú.

5 Sek-an chiāⁿ-tūi ê peh-siⁿ ah, taⁿ lí chū-chíp choê kun-tūi; i ūi-ūi kong-kek lán; in ēng koáⁿ-á phah Í-sek-liát sīm-phoànⁿ-sī ê chhiū-phoé.

²Pek-lī-hēng Í-hoat-tha ah, lí tī Iū-tāi chiah ê huiⁿ-siā-tióng choê bī-soē--ê, beh ū chit-ê tui lí hia chhut-lái, tī Í-sek-liát tióng-kan ká Goá choê chiáng-koân--ê; i ê kun-goân tui kó·-chá, tui tē-it khiⁿ-thâu chiū ū. ³Só·-í i beh chiong in kau hō· tui-ték, kàu seng-sán ê hū-jîn-lāng siⁿ-kiáⁿ; hit-sī i só·-chhun ê hiaⁿ-tī beh tò-lái kui Í-sek-liát. ⁴I beh khiā-teh, óa-khò Iâ-hô-hoa ê koân-lēng, kap i ê Siōng-tè Iâ-hô-hoa ui-giām ê miā, lái chhiⁿ i ê iūⁿ-kūn; in beh an-jiān khiā-khiⁿ; i beh choê-toā, kàu toē ê kék-thâu. ⁵Chit ê lāng beh choê lán ê pēng-an; A-sút jip lán ê toē-kài thún-táh lán ê kiong-tiān ê sí, lán beh heng-khiⁿ chhit ê bók-chiá, poeh ê siú-léng kong-kek i. ⁶In beh

ēng to-kiàm húi-hoāi A-sút toē, kap Lêng-liók ē toē, tī i chhut-jíp ē só·-chāi; A-sút jíp lán ē toē, thún-táh lán ē toē-kài ē sī, i beh kiù lán thoat-lī. ⁷Ngá-kok chhun ē lāng beh tī choē-choē kok ē peh-siⁿ-tiong chhin-chhiūⁿ tui Iâ-hô-hoa kàng-lôh ē lô·-chúi, koh chhin-chhiūⁿ lūn-ték chháu ē hō·, m̄-bián óa-khò lāng, iā bô theng-hāu sè-kan lāng. ⁸Ngá-kok só· chhun ē lāng beh tī choē-choē kok ē peh-siⁿ-tiong, chhin-chhiūⁿ chhiū-nâ-lāi pah-siū-tiong ē sai, iā chhin-chhiūⁿ soē-chiah íong ē sai tī iūⁿ-kūn-tiong; i nā keng-kè, chiū beh thún-táh thiah-līh, bô lāng oē kiù i. ⁹Goān Lí ē chhiú kiáh-khí tī Lí ē tui-ték ē téng-bīn, goān Lí ē tui-ték lóng siū chián-tū.

¹⁰Iâ-hô-hoa kóng, Kàu hit-jit, Goá beh tui lí tiong-kan tū-khì lí ē bé, húi-hoāi lí ē chhia. ¹¹Goá beh húi-biát lí ē toē-hng chiah ē siāⁿ, chhia-tó lí it-chhè ē oē-só·. ¹²Goá iā beh tū-khì lí chhiú-tiong ē siā-sút, tī lí hia bô koh ū chiam-pok--ê, Goá beh tui lí tiong-kan tū-biát tiau-khek ē ngó·-siōng kap thiāu-siōng, lí chiū bô koh kūi-pài ka-kī ē chhiú só· chō-ê. ¹⁴Goá beh tui lí tiong-kan puih-chhut lí chiah ē chhâ-thiāu, koh húi-biát lí chiah ē siāⁿ. ¹⁵Goá beh hoat-chhut toā siū-khì, lâi pò-èng hiah ē bô sūn-thàn ē kok.

6 Taⁿ tiòh thiaⁿ Iâ-hô-hoa só· kóng--ê: Khí lâi, lí tiòh tī chiah ē soaⁿ ē bīn-chêng piān-lūn, hō· chiah ē soaⁿ-niá thiaⁿ-kìⁿ lí ē siaⁿ. ²Chiah ē soaⁿ kap toē kian-kò· ē kun-ki ah, tiòh thiaⁿ Iâ-hô-hoa cheng-piān ē oē; in-ūi Iâ-hô-hoa beh kap I ē peh-siⁿ cheng-piān, koh beh kap Í-sek-liát pài chêng-lí. ³Goá ē peh-siⁿ ah, Goá bat tui lí choē sím-mih? Goá ū sím-mih hō· lí ūi-lân? lí thang tui Goá chí-chhut. ⁴Goá bat chhoā lí chhut Ai-kíp toē, kiù-siók lí thoat-lī choē lô·-chāi ē chhù; chhe

Mô·se A-lūn Bí-lī-àm tī lí ē bīn-chêng. ⁵Goá ē peh-siⁿ ah, lín tiòh kì-tit Mô·ap ông Pa-lék só· kè-bô--ê, kap Pí-jíⁿ ē kiáⁿ Pa-lân in i ē oē, tui Síp-têng kàu Kiat-kah ē sū, thang hō· lín chai Iâ-hô-hoa só·-kiáⁿ ē kong-gī. ⁶Goá chiū-kūn Iâ-hô-hoa, kūi-pài chì-koāiⁿ ē Siōng-tè, tiòh ēng sím-mih ah? tiòh ēng sio-chè á-sī moá-ni ē gū-á lâi chiū-kūn I ah? ⁷Iâ-hô-hoa hoaⁿ-hí chheng-chheng chiah ē kang-iūⁿ mah? á-sī bān-bān tiāu-khoe ē iū mah? goá tiòh ūi ka-kī ē choē-koāi hián goá ē toā-kiáⁿ mah? ūi-tiòh goá sim-lāi ē choē-ok, hián pún-sin só· siⁿ ē mah? ⁸Lāng ah, I bat chí-sī lí sím-mih sī hó; Iâ-hô-hoa ài lí sím-mih? Tòk-tòk ài lí kiáⁿ kong-gī, sim chūn lín-bín, khiam-pi kap lí ē Siōng-tè saⁿ-kap kiáⁿ.

⁹Iâ-hô-hoa ē siaⁿ tui siāⁿ teh kiò, tì-hui--ê beh keng-tui Lí ē miā, lín tiòh thiaⁿ koáiⁿ-á, iā chī-chui tiāⁿ-tiòh--i. ¹⁰Pháiⁿ-lāng ē ke iáu ū put-gī ē chiⁿ mah? iáu ū khó-ò·ⁿ ē soē i-hoat mah? ¹¹Goá nā ēng bô kong-tō ē thian-pêng, tē-á-lāi ū ké ē chhìn-thui, kiám oē sng choē chheng-khì mah? ¹²Hiah-ê hó-giáh lāng moá-moá kiông-pō, khiā-khí ē peh-siⁿ kóng pèh-chhát oē, in ē chhui-chhì khui-khiat. ¹³Só·-í Goá phah lí, hō· lí siū tâng-siong, in-ūi lí ē choē hō· lí hong-hoē. ¹⁴Lí beh chiáh, chóng-sī chiáh boē pá; lí ē khang-hu beh tī lí lâi-bīn; lí beh poaⁿ-soá, chóng-sī boē-oē an-jiān, toà mih-kiáⁿ khì, lí só· toà-khì--ê, Goá lóng beh kau hō· to-kiàm. ¹⁵Lí beh iā chéng, iáh bô thang siu-koah; táh kaⁿ-ná iáh bô tit-tiòh iū thang boah; táh phû-tô iáh bô chiú thang lim. ¹⁶In-ūi lí siú Àm-lī ē lút-hoat, kap A-hap ē ke it-chhè ē só· kiáⁿ, sūn-thàn in ē kè-bô·, tì-kàu Goá hō· lí hong-hoē, hō· khiā-khí tī-hia ē peh-siⁿ siū lāng thí-chhiò; lín iā beh tam-tng Goá ē peh-siⁿ ē lêng-jiók.

7 Goá ũ chai-ē ah, goá chhin-chhiūⁿ hē-thiⁿ ê ké-chí siu-sêng-liáu ê sî, koh chhin-chhiūⁿ bán phû-tô só· chhun ê lân-san liáp, bô kui-pha thang chiáh; goá ê sim him-bō· khí-thâu-sék ê bû-hoa-kó. ²Toē-chiūⁿ khiân-sêng ê lāng sí-bô, tī lāng ê tiong-kan bô chêng-tit-ê; in lóng bài-hók beh thâi-sí lāng, ēng lô-bāng tng i ê hiaⁿ-tī. ³In ê chhiú choan-choan choē pháiⁿ, siú-léng kap sím-phoàⁿ-si thó pò·lō·, toā koaⁿ-oân thò·-chhut i sim-lāi ê su-iók, saⁿ-kap chó·-chit pháiⁿ. ⁴In tiong-kan tē-it hó--ê, chhin-chhiūⁿ chít-lê, tē-it chêng-tit--ê chhin-chhiūⁿ lī-pa ê chhi-á; lí ê siú-bāng--ê só· kóng ê jít, chiū-sī lí siū hêng-hoat ê jít, kūn-lah; in ê bê-loān kàu lah. ⁵Bóh-tit oá-khò tâng-phoàⁿ, bóh-tit sìn chhin-bit ê pêng-iú; tiók iok-sok lí ê chhui, bóh-tit tui só· thiàⁿ ê bó· kóng-khí. ⁶In-ūi kiáⁿ biáu-sī lāu-pē, cha-bó·-kiáⁿ ngó·-gèk lāu-bú, sim-pū ngó·-gèk ta-ke; lāng ê tui-ték, chiū-sī i ke-lāi ê lāng.

⁷Nā-sī goá, goá beh òng-bāng Iâ-hô-hoa, iáh beh thêng-hāu kiù goá ê Siōng-tè; goá ê Siōng-tè beh thiaⁿ goá. ⁸Goá ê tui-ték ah, bóh-tit in-ūi goá lâi hoaⁿ-hí; goá sui-jiân poáh-tó, beh koh khí-lâi; goá chē tī o·-àm, Iâ-hô-hoa choē goá ê kng. ⁹Goá beh jím-siū Iâ-hô-hoa ê siū-khì, in-ūi goá tek-choē I: thêng-hāu I piân-hō· goá ê àn, ká goá phoàⁿ-toàn; I beh chhoā goá chhut-lâi kàu tī kng-bêng, goá iā beh khoàⁿ-kìⁿ I ê kong-gī. ¹⁰Hit-sī goá ê tui-ték, chiū-sī bat tui goá kóng, Iâ-hô-hoa lí ê Siōng-tè tī toh-lóh--ê, i chít-ē khoàⁿ-kìⁿ, chiū toā-toā kiàn-siàu, goá beh chhin-bák khoàⁿ-kìⁿ i; i beh siū thún-táh, chhin-chhiūⁿ koe-lō· ê thô·-bê. ¹¹Khí lí ê siâⁿ-chhiūⁿ ê jít kàu lah, hit-jít lí ê toē-kài beh khui-khoah. ¹²Hit-jít in beh tui A-sút kàu Ai-kíp chiaⁿ ê siâⁿ, tui Ai-kíp kàu Toā-hô, tui chit ê hái kàu hit ê

hái, tui chit ê soaⁿ kàu hit ê soaⁿ, lóng beh kui-oá. ¹³Chóng-sī toē beh in-ūi khiā-khí ê peh-sìⁿ ê iân-kò· lâi pha-hng, sī in kiâⁿ-choē ê kiát-kó.

¹⁴Kiū Lí ēng Lí ê koáiⁿ-á chhi Lí ê peh-sìⁿ, chiū-sī Lí ê sán-giáp ê iūⁿ-kūn, tī Ka-bit soaⁿ ka-kī tiàm tī chhiū-nâ-lâi--ê, chhi in tī Pa-san kap Ki-liát, chhin-chhiūⁿ chá-sī chít-iūⁿ. ¹⁵Goá beh hián-chhut kī-sū hō· i khoàⁿ, chhin-chhiūⁿ lí chhut Ai-kíp toē ê sī chít-iūⁿ. ¹⁶Liát-pang khoàⁿ-kìⁿ chiū beh ũi ka-kī ê sè-lék kiàn-siàu; in beh ēng chhiú ng chhui; in ê hī-khang iā beh chhàu-lāng. ¹⁷In beh chī thô·-hún chhin-chhiūⁿ choá; chhin-chhiūⁿ tī thô·-kha teh só· ê mih, ngiáuh-ngiáuh-chhoah chhut i ê khang; in beh kiaⁿ-hiâⁿ lâi kui lán ê Siōng-tè Iâ-hô-hoa, koh in-ūi Lí lâi kiaⁿ-hiâⁿ. ¹⁸Siōng-tè ah, chī-ūi chhin-chhiūⁿ Lí, sī sià-bián choē-koà, khoan-sù I só· chhun ê peh-sìⁿ ê kè-sit--ê? I bô éng-éng khng siū-khì, in-ūi I hoaⁿ-hí lín-bín. ¹⁹I beh oát-túg lín-bín lán; I táh lán ê choē-ok tī kha-ē; Lí beh chiong in it-chhè ê choē-ok hiat tī chhim-hái. ²⁰Lí beh chiàu kó·-chá só· tui goán ê liát-chó· chiù-choā--ê, si sêng-sit tī Ngá-kok, kiâⁿ chú-ài tī A-pek-láh-hán.